

محراب

افشاری ، اجتماعی ، فلسفی ، تاریخی ، ادبی مجموعه در

شیمدیلک آیده بر نشر اولدور

مضامین

- دین تدریسی « معمار له مصاحبه » یوسف ضیا
مصر ماصالی « امیر علاء الدینک عشق رؤیاسی » قمریه حسین
سجده عشقکده سمیر جمال اورنوس
« ابن خلدون » ده اجتماعات « صوک » ضیاء الدین فخری
آناطولیده معدنی حور سم ، شرف
تاریخ حکمتده : صوفیون طاهر مریم
مستصوفه سوزلریم ، تصوفک ظفرلریم « شیخ صفوت افندی به جواب » از میرلی اسماعیل مفری
سیماونه قاضیسی اوغلی « شیخ بدرالدین » شرف الدین

مستصوفه سوزلری، تصوفک ظفرلری

اورفه مبعوثی شیخ صفوت افندی به

شیخ صفوت افندی ایله آره مزده باشلایان مناقشات قلمیهنک سیری قارئین کرامتجه مجهول قلامق املیه مدافعهیه باشلامه دن اول صفحاتی بیان ایتمه مجبور اولیورم :

عاجزلی جریده علمیهنک نوط قسمند بر فقره یازدم . شیخ افندی بو فقره حقند بره استیضاح املنده بولندی ، فی الواقع استیضاح ده صریح بر حق در . انجاق یولنده اولمق کرکدر . رسمی بردا ئرده ، حتی جمعیت صوفیه هیئت علمیه سنده برابر بولونما من مسئله پی ده نازکشدیرر . حد ذاتنده خطا ایتسم بیله شفاها و یا خصوصی صورتده تحریراً براخطار کافی . مسئلهنک ارامزده حلی ممکن ایکن او بوله تنزل ایدلمدی . یالیکز دارالحکمه ریاستنه بر تذکره یازلمق قابل ایکن ینه اوجهته یاناشیلمدی . دوغری دن دوغری یه نومرو ایله ، تاریخ ایله رسماً مقام مشیخته عرض اولندی . او یله بر زمانده عرض اولندیکه دارالحکمه حقنده ایلری ، کیری سوزلر تکون ایتمکده ایدی . خصوصاً کندیلرینک تدقیق مؤلفات ریاست علیه سندن نمون اولمدیغنی مشعر مقام مشیخته معروضاتده بولندقلری شایع ایدی ، یالیکز شایع دکل ، واقع ایدی [۱] . بوندن باشقا رسمی استیضاحنامه دهامفید بر طرزده یازلمق ممکن ایکن اوندن ده صرف نظر اولنه رق دارالحکمه یه درس ویریر بر شکلده یازلدی . مقام مشیختدن دارالحکمه ریاستنه حواله اولندی .

ایشته ارباب انصافک پاک وجدانه مراجعت ایدیورم . بوشکلده ، خصوصاً او یله بر زمانده قلمه آلنان بر مقاله علمی براستیضاحنامه دن زیاده رسمی بر شکایتنامه ماهیتده تالق اولونمازمی ؟ اور رسمی مقاله دارالحکمه ده اوقوندی . بالطبع جوابی عاجز لرینه حواله ایدلدی . طرف چا کریدن یازیلان جواب هیئت حضورنده تکرار ، تکرار اوقونه رق مناقشه اولندی . فقرده کی مقصد ایضاح ایدلدی . تصوف کتابلرنده احادیث موضوعه بولندینی ، فقط سادات صوفیهنک احادیث وضندن وارسته اولدقلری کوسترلدی . بوبابده بر طاقم وجوه محتمله ایراد اولندی . جوابمز هیچ بر حقارتی ولو که ایتاء اولسون ، محتوی دکل ایدی .

برده نه کوردم کندیلری ایچین برایش بولمق می ؟ حقیقت اظهار ایتک می ؟ تفاضل

سوداسنه دوشمک می؟ دارالحکمه بی انظار ناسده کوچوک دوشورمک می؟ هیچ اولمزه یازی یازمغه دوشکون اولمق می؟ نه در؟ صوک بیاننه رغباهنوز قطعی اوله رق تعین ایده مدیکم بعضی سوائتک تحت تاثیرنده اوله رق ایکنجی دفعه « الجرح والتعديل » عنوانیه یازیلان جواب صراحة وایمائه هیئتمزه تتبعسزلک، دقتسزلک، غرابت اسناد ایدیوردی. بالطبع:

وكم من عائب قه لا صحیحاً و آفته من الفهم السقیم

یتنی اوقومقده تردد ایتهدک ..

بوجهت یتیمورمش کی بری طرفدن (دارالحکمه تصوف کتابلرنده کی احادیثی انکار ایدیورمش، شیخ صفوت افندی بررساله یازمشده دارالحکمه بی مات ایتمش) کی سوزلر سامعه بی طولدرمقده، مجالس ومحافلده، تراموایلرده، قهوه خانهلرده، سزقاق اورتهلرنده [دارالحکمه مظنه بی آکلامانش، شیخ صفوت افندی به قارشو مغلوب اولمش] کی لافلر همان حادثات روزمره صیره سنه کچمش ایدی بردرجه ده کی کرک عاجزلری، کرک دارالحکمه حقنده برطاقم علولر حاصل اولمغه باشلادی:

ان یسمعوا ربه طاروا بها فرحاً

منی وما سمعوا من صالح دفنوا

صم اذا سمعوا خیراً ذکرت به

وان ذکرت بشر عندهم اذنوا

الزام و غلبه ده مفاخره ایله، خالقک مخیله سنه « خصمی یکدک » فکرینی القا سلاهی ایله مجهز اولمق صاحبی حقندن اوزاق دوشورمز می؟. علمه علم ایله، قلمه قلم ایله مقابله ایتک، قلم قوتی ایله، دماغ یاردیمیه الزام ایکن برده طولایسییه قنواخانه به مراجعت ایله قنوی آلمق ایسته مک نه ایله ایضاح اولنور. بوقنوی نیچون اوله حق؟ خطامن ایچین می؟ فسقمز، ضلالتمز ایچون می؟ یوقسه عزلمز ایچین می، حریت کلآمدن محروم اوله مز ایچینمی اوله حق؟

حیرتندن پارماغن دیشلر کیم ایتسه استماع

آرتیق تشویشات بردرجه به واردی که بوحاله واقف اولمیانلر عاجزلرینی متعرض، متصوفه دشمنی کوسترمکده حقلی ایدیلر بویله جه مناظر مز مدافعه حق یابنی سد، تفاخر و تغالب یابنی کشاد ایتمش اولیور. مفاخره، کار رجال دکل، بلکه لعه اطفال ایکن قلبک هیچ اولمزه حدین برکوشه سنده صاقلانان غرور دنیلان سائقه، بو مفاخره بی برشائقه قیلیور.

دارالحکمه یه قارشى اولان بو تعریضات و تعرضاته ، خاطر شکنانه حالاته باعث اولدیغیم ایچین پک متأثر ایدیم. تعریض و تعرضک بوتون شدتی دوش تحمله آلمقاعمی محترم آرقداشلرمدن رجا ایتدم . لطفاً رجالرم قبول اولندی . شیخ صفوت افندی نك ریاست ایتدیکی هیئته ده رسماً خبر ویرلدی بوکا مقابل او هیئت طرفندن هیئتمزه برده تشکر نامه کوندرلادی . بر طرفندن اوتشکر نامه نك استهزا ، استخفاف قصدیه کوندرلادیکی طرفدارلری طرفندن اشاعه اولندی . آرتیق بالضروره او کیزلی کیزلی تجهیللره ، شعوری ولا شعوری او استهزالره ؛ اولافلره ، او استخفافلره آچیق بر صورتده مدافعه یه باشلادیم ، یازدیغیم جوابی آرقداشلر مک نظر تدقیقلرینه عرض ایتدکن صوکر او هیئته تقدیم ایدیم . بوتون وضعیتلرم مدافعه وضعیتی ایدی . بونکده برابر مدافعه خصوصنده ایلری کیتدیکی دوشنه رک متأثر ایدیم . خصوصاً شیخ افدینک عملی تصوفک تأثیری آلتنده تعریضات و تعرضاته تنزل ایتیوب الحق بر درس ادب ویرمک ، شیخلکنی کوسترمک کی احتماللری دوشندکجه پک مضطرب ایدیم . نفوس طریقه نك شانی وجهله لطافت لطیفه ایله شرافت شریفه ایله مقابله ایده بیله جکلرینی دوشوندکجه اویقوم قاجور ایدی . طبع سلیمک استکراه ایتدیکی مفاخره و مغالبه میدانلرنده غلبه ایتمک حرارتی ده دویو یوردیم . امام غزالی نك کتاب المغرورینی ، امام رازی نك سوزی [۱] وجدانه خطا ایدوب دور مقده ایدی .

تام بو صروده هر ایکیمزی سوهن ، خصوصاً کندیلرینه پک زیاده حرمتکار اولان یر ذات [ن] جمعیت صوفیه مرکزنده بو مناظره نك بویله اوزانوب کیتمه سنی خوش کورمیور ، حکم هیئتی ایله ایشی فصل ایتمک ایستیوردی . چاکرلری نئم الوسیله عدایده رک همان بو تکلیفی قبول ایتدم . شیخ افندی ایسه ابو موسی الاشعری [رضی الله عنه] موقعنده یولنه جق هیئتی قبول ایتهم دیهرک بارد بر رد ایله زد ایتدی . او یله صانیورم که بو سوز لاشعوری اوله رق صادر اولمش . محترم بر هیئت علمیه بزم آتشمزه یانمشدر . شبهه یوق که دعواسندن امین اولان هر وقت حکم هیئتنه راضی اولور ، فقط شبهه لی اولان ده هر وقت بیان چیز .

چوق کچمدی ، تحقیق آلود اولان « البرهان والدلیل » رساله سی ایله (واوالف) مسئله سنه عائد اوراق متفرقه بر دوسییه شکلنده ینه دوغریدن دوغری یه مقام مشیخته تقدیم قیلندی ، بوکره ارکان مشیخت خبردار ایدلدی . حضور مشیخته بو رساله نك عاجزلرینه ویرلمسی

[۱] ولا یتکام بکلام السفهاء عند المناظره لانها من صفات الجهال ووظائفهم فانهم یشیرون بها جهاهم

ویا ویرلامسی خصوصی کوریشیلدی . نهایت نزد مشیختپناهیده حفظی تنسیب اولتدی .
بری طرفدن بر سابق بر طاقم اشاعات دونوب دولاشمقده ایدی . نهایت بعضی آرقداشلرم
ایله بورساله نك عاجزلرینه ویرلمسی استرحامز نتیجه سنده آرقداشلرمندن بری واسطه سیاه
رساله کوچ حال ایله اله کچدی .

برده نه باقهیم ! مطالعه سندن آکلاشیله جنی وجهله شیخ افندی بورساله ده آناسنه تمامیه
مغلوب اولمش ، سائقه عقلی آتهرق سائقه احتراصه درت الله یاپیشمشدر . عملی تصوف
ایله ناتراشیده نفس اماره صاحبی صایدینی مخاطبینه قارشى قوللاندینی تعییرات مستکره
دلالتی ایله آکلادم که عملی تصوف ایله تراشیده اولان نفس عالییه صاحبی ده عقبات نرسدن
قورتیه میور ، حتی بو طریقده شیخ کامل بیله اولیور . غلیان تهور و احتراصه قاپیله رقی
چرکاب قیل و قال حق و حقیقتی بر آووج قار کی اریدیور . مجرد سوق مناظره ایله یازلمش
اولان افاداتمندن کسکین بر قوه مخیه ، دورغون بر قوه عاقله نك تولید ایتدیکی نتیجه لر
بسببلی اولیور ، بعض متصوفه کبی نفرت ایتدیکم بر حال قارشیمه چقیور . یازدینم بر فقره نی
ایضاح ایتدندن صوکراینه اوکا آبانوب قالیور ، مقصدمه مخالف بر طاقم اتهاماته قالیشیور .
غیا قوه مخیه نك انکشافی ، تحلیل عالمی نك فقدانی تأثیرندن باشقا نه ایله بو حالی ایضاح
قابل اولور . پك قولای حل اولنه بیله جک بر مسئله اعظام اولنه رق دوغریدن دوغرییه
رسماً مقام مشیخته [۱] معروضاتده بولونمق ، دارالحکمه یه تعریضات و تضرعاته باشلامق ،
اطراف و اکنافده دارالحکمه یی بیتردک کبی خاطر شکنانه حالاتی مروج اولمق ، دولایسیله
فتواخانه یه مراجعت ایتک ، حکم هیئتنی ردباردله رد ایتک ، مقام مشیخته دوسیه لر تقدیم
ایله مک نه ایله ایضاح اولور . بوبابده کی حکمی ارباب انصافه براقیورم .

رساله یی تمامیه او قودقدن صوکر ! مدافعه نامه می حاضرلادم . اورفهدن عودتلرینی
متعاقب دماغ یورغونلغنی دوشونه رک جزء جزء ویرمکی مناسب کورمش ، ۳ نیسان ۳۳۸
تاریخنده اوطه جی واسطه سیله برنجی جزئی تقدیم ایتش ایدم . فقط ، رسم خطه عائد
یازدینی اوفق بر رساله ده « البرهان والدلیل » ک یاقینده طبعی بیلدیلمکه دیگر جزءلری
تقدیم ایتهدن واز کچدم ، آرتیق رساله نك طبعنه منتظر اولدم . بو کره یکی بر عنوان ده
علاوه ایدم رک مطبوع اولان نسخه یی کورددم . « الصارم السلیل علی الموسوم بالبرهان والدلیل »

نامنی ویزدیکم مدافعه نامه مزہ کندولرینہ باقہرق یکی بر عنوان، پک سودیکی بر عنوان علاوہسی ایله انظارقارئیته وضع ایدیورم .

« تصوفک ظفرلری » عنوان جدیدی ایله ساحۂ انتشارہ قونیلان رسالہدہ کی کلمات حریفہ ، عقبات نفسہ عائد امثلہ متنوعہ یاریشلرینہ حیقہ میہ جنم . بومیداندہ شیخ کامل دکل ؛ درویش غافل ، رجل راجل بولندیغمدن درجنک اول سلاحریمی تسلیم ایدیورم . بر معتاد اشاعہ ایتدکاری وجہلہ رجعت قہقریہ ایله رجعتی ، حتی انہزام کلی ایله انہزامی اعتراف ایدیورم . بو رسالہدہ بوکی اقوال مشوشہ یہ قارش یالیکز سکوت ایله مقابلہ ایدیورم .

« تصوفک ظفرلری » نامندہ کی کتابی شمدی یہ قدر بیکانہ سی اولمدینی بر اسلوب غریبک نظیری مجبوری ایله اختیار ایتدکی ادعا اولئیور . شاشیورم کہ انسان مألوفی اولمدینی بر شیدہ نصل مہارت کاملہ کوستریر . تنظیر خصوصندہ حائر سبق اولملری بیکانہ دکل ، حائر ملکہ بر استاذ اولدیغنه دلالت ایتزمی ؟ نمونہلر میداندہ ایشته عملی تصوف ایله تراشیدہ نفس عالیہ نک سوزلری ایله ناتراشیدہ نفس امارہ سنک سوزلری .

ویل لمن تجبر وطنی وتفخر وغوی

« الصارم السلیل » « البرہان والدلیل » قارشو دوریور برہان علمیسی ایله تحلیل منطقیسی ایله اوئی جرح ایدیور . اختیار ایتدکی عنوانلر آلتندہ اون شرح ایدیور . توفیق وعنایت حق تعالی وتقدس حضرتلرینکدر :

۱ - عرصہ شکرانہ

۱ - « ائمہ صوفیہ اناراللہ براہینہم حضرتاتنک کتب جلیلہ دینیہ لرتندہ مندرج احادیث شریفہ یہ دائر » [۱]

ج - مناقشہ تصوف کتابلرندہ کی احادیث حقندہ ایدی . تصوف کتابلری ائمہ صوفیہ نک ، صوفیہ صادقینک ، صوفیہ کاذبینک ، متصوفہ نک ، غلۃ متصوفہ نک ، مستصوفہ نک کتابلرینہ شاملدر . بونی ائمہ صوفیہ نک کتابلرینہ حصر وتخصیص صورتیلہ رسالہ یہ ابتدار موضوعی تغیر واخلاق ایچین عجبا براعت استہلال می یاپیلیور ؟

[۱] طرفاق ایچندہ کیلر شہخ صفوت اندینک سوزلریدر .

۲ — دارالحکمه نك حادثه يي سبب اصليسنك عهدۀ ادرا كنه نه يولده ترك ايتديكي مقدمه ده بيان ايدلشد .

۳ — « دعوای محيلاک تأویلات فاسده ايله شمالتدارك توجهات بارده سی »

ج — حکمه استعجال ایدی ورسیکز جمله معهوده بندنده جوانی آلرسکز .

۴ — « یالکز سزه قارشى فضله براعتاد خطاسنه دوشمشلردر ... الخ »

ج —

۲ — سائو اصلی

۱ — عاجزلى حقنده « کال صمیمیت . شهادت ایدرز که بوکون دین اسلامک حمایه و محافظه سنه قالاً و قالماً وقف وجود ایدن ذواتک برنجیلرندن سکز » دیدکدن صوکره مجرد برشبهیه قاپیلهرق او درجه تزییفلر ، او قدر استیزالر ، درلو درلو تهجیلر ايله بوسوز آره سنده اویله براوچوروم واردر که املاسی قابل دکلدر .

مشته منقبتی ایسته میز عار ایدرز

عارمزدن او کلان کاغدی انکار ایدرز ،

بومناسبتله مساک عاجزی حقنده برایکی سوز سویله مکملکمه مساعدیه بیوریکز :
له الحمد والمنة دین میهنمزه ناچیزانه برخدمت ايله جداً مفتخرم ، او مقدس عالی دینمک
مقتضیاتندن اولق اوزره سرور کائنات علیه کمال التحیات افتد من حضر تیلرندن ماعدا هیچ
برمسلمی معصوم بیلمم . بالعموم عالمانک سوزلرینی یالکز برهان ايله قبول ایدرم . تفکر
ایله ارسوزلره قیمت ویریرم ، اذعان ايله اونى قابمه ، درجه سنه کوره درین گوشه لرینه
کتیریرم . لهدارلر ايله علیهدارلرک سوزلرینی دیکلهرم ، مخالفلرک سوزینی مجرد مخالفتلرندن
ناشی رد ایتدیکم کی موافقلرک سوزینی ده مجرد موافقتلرندن ناشی قبول ايله نم . هیچ بر
حالمک شدتلی طرفدارى دکلم . هیچ برعالمک سوزینی وحی کی تلقی ایتیم . ابن تیمیه نك شدتلی
طرفدارى اولمدینم کی غزالی نك ده شدتلی طرفدارى دکلم . حنبلی ده دیکلم ، اشعری ده ،
کورکورینه متصوفه یه ده ، متکلمینه ده تابع اولم . حق طرفدارى یم . هر نروده بر شمه
حقیقت استشمام ایدر ایسه همان اوکا ال اوزادیرم « الحق احق ان يتبع » قولى دستورم در .
اعظم اسلامدن هرکیمک سوزنده عن برهان برحق کوریر ایسه ینه عن برهان اوکا
تابع اولورم . بر قول حقنده برهان قائم اولدقجه اونى کندیمه مال ایتیم . کندیمه مال

ایندیکم قولى دوغریدن دوغری یه یازارم ، یوقسه نقل مجرد اینله کچر کیده ریم . نقللرده
 اصلاً تحریفده بولنام . یا کاش آکلایه بیلیرم ، عین استنساخده یا کاش ده نقل اولنه بیایر .
 فقط بیله بیله قلممدن تحریف صادر اوناز . ایستدیککز قدر استخفاف ایدیکز . ناقل
 امین اولقلده افتخار ایدرم . نظم قرآنه اتباعاً یالیکز لازم اولان محلی نقل ایدرم . فهمی
 اخلال ایده جک درجهده اختصار ، اخلالی مؤدی اوله جق درجهده تطویل ممنوع اولغله
 مقصوده داخل اولیان سوزی ذکر ایتماکه چالیشیرم . نسبتم آنجاق اسلام دینه در .
 طریقم آنجاق اک خیرلی طریق اولان طریقت محمدیه در . سلفیه اولسون ، متکلمه اولسون ،
 متصوفه اولسون ، فلاسفه اولسون هانکی فرقه اولورسه اولسون حق و حقیقتک اوغرنده
 چالیشان بفرقه یی اولو ، اورته رد ایتکی هیچ بروقت قبول ایتیم . دائماً اخذ ایتدیکم قول
 آنجاق خاتم الانبیانک قولیدر . یالیکز او نبی اقدسک امتی یم ، یالیکز او رسول محترمک
 صوک درجه شدلی مدافعی یم . شو قدرکه اول باول قول رسولک ثبوتی تحزی ایدرم .
 ذات اقدس پیغمبری یه اسنادی حقنده اطمئنان قلب حاصل اولور . مقصد جلیل پیغمبری یی ده
 آکلار سه عقلی برطرف ایدرک همان اونی قبول ایدر ، [عقل قربان کن پیش مصطفی]
 مصراعنی اوقورم . حکیم الانبیا علیه اکل التجایا اغندمن حضر تلرندن یقیناً محفوظ اولان
 ضروریات دیندن ماعداده هر مسلمانی سربست کوریرم . اختلاف اولنان خصوصده هر
 برینک برر عذرلری بولندیغنی تقدیر ایدر ، هر بفرقهده من وجه بر حقیقت کوریرم .
 اصناف علمایه برر محل آیریرم : هپسندی لزمی کوریرم . احادیث شریفه نك تدقیق
 وتنقیدینی محدثلره ، احکام فرعیه نك استنباطنی فقهلره ، احکام اصلیه نك بیانی توحید عالملرینه
 بوبابده کی مدافعه یی متکاملره ؛ و ارادات قلبیه ، اعمال باطنیه ، تذکیه احواله عائد
 خصوصاتی متصوفلره ، حقایق محسوسه یی متفذلره ، حق و خیره عائد تدقیقات عقلیه یی
 فیلسوفلره ، خلاصه هر حالی اهلنه براقیرم . هر هانکی بر عالم کندی میداننده آت اوینا تدقیقه
 اکا اعتماد ایدرم ، خارجه چیقنجه اکا اعتماد قالماز . خصمه قارشو حجة الاسلام ابو حامد
 غزالی ایله شیخ الاسلام ابن تیمه الحرائی یی ده ، فیلسوف الاسلام فارابی ، ابن سینا ، ابن رشد
 ومبشر بن فاتکی ده ، بونلرک سلوک ایتدکری طریقلری ده لدی الايجاب مدافعه ایدرم .
 اسلافه چوق محبت و حرمت واردر . فضیله مجلوبم . آنجاق کوره بیلدیکم بر خطایی ده
 سویله مکدن چکینم . تهدیدلره پابوج براقم . بر ذات اولیاء الله دن اولورده ینه غلطاتی
 بولتور . بو غلطاتی بیان اونک مرتبه سنه نقیصه ویرمز . امام احمد بن حنبل بر ذاتی مدح

ایتدیکی حالده ینه برچوق غلطاتی بیان ایدردی . سرى سقطی حقنده « الشيخ المعروف بطیب المطعم » دیدیکی حالده اونک « ان الله عز وجل لما خلق الحروف سجدت الباء » دیدیکی ایشیدنجه علیهنه دونمشدی .

بناءً علیه اصلا متصوفه علیهداری دکلم ، بالعکس اونلری تقدیر ایدهرم ، حتی یکریمی ایکی سنه اول شاذلیه طریقندن ده خلافتنامه واردر . بونک کی متصوفه علیهداری اولان علمانک ده علیهداری دکلم ، آنلری ده تقدیر ایدنلردنم ، یالکز تضلیل و تکفیر خصوصلرنده اونلردن آریلیرم . بوبابده چوق اجتناب و احتیاط ایدرم . سوق مناظره اینه سویلنمش سوزلرم هیچ بروقت متصوفه نك ویا دیگر برفرقه نك علیهنده بولندیخمه دلالت ایتمز . بیلیرسیکیز که لازم قول ، قول دکلدر ؛ لوازمده مشاغبه بی اوزادانلر شیخ اکبرکته قدر طعنه اوغرامشدر . اوت امر ونهی اهل ایدن زنادقه علیهنده یم . تعصبی ، قدوح ، تصابی ، مدوح بیایرم . ای بیلکیز که افکارمده غزالی نك آثارندن ملهم در .

اعوذ بالله ان اضل او اضل

۴ — « اعداء دین آره سنده او یله شیطین الانس دعاة ضلالت وارد که هر عصرده مثلاً علماء بنام اسلامیه دن علمی عقلنه غالب تقی الدین احمد بن تیمیه کی اعاضی بیله شاشیرتمشدر ووره نارفته یه چاپمه لرینه سبب اولمشلردر »

ج — عالم اسلامده شیخ الاسلام لقبی آلان مشارالیه غاند سوزلره بند مخصوصنده جواب ویره جکم انجاق شونی او کر نك ایسترم که بو شیطین الانس دعاة ضلالت کیملردر . مشارالیه ک استفاده ایتدیکی اعظم ، تماس ایلدیکی ذوات معلوم عالی اوله جقدر بند مخصوصنده ده بوجهت ایضاح اولونماشدر . بو شیطانلری ا کلامق بر درلو قابل اوله مدی .

۳ — « او جمله معبوده بی هر دزلو احتمالاته قارشو معنای مطابقی موضوع ومسوق الهنی عقلی باشنده اولان هر انسانک ا کلایه بیله جکی اوزره ا کلامش ایدک » .

ج — دارالحکمه او جمله بی هیچ بروقت ذات عالیر کی ا کلامدی ، او مقاله دارالحکمه نك نظر تدقیقندن کچدی .

مابعدی وار
از میرلی

اسماء عیسیٰ صفی